



Broj: 11-05-38-3810/11
Sarajevo, 21.02.2011. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, br. 34/03), čl. 25. i 34. Zakona o ustanovama („Službeni list R BiH“, br. 6/92, 8/93 i 13/94), člana 167. Zakona o visokom obrazovanju („Službene novine Kantona Sarajevo“, broj: 22/10 – Prečišćeni tekst) i tačke VII Odluke o standardima i kriterijima za nominiranje/imenovanje na poziciju predsjednika i članova upravnih i nadzornih odbora univerziteta, visokoškolskih ustanova i naučnoistraživačkih instituta, kao javnih ustanova na području Kantona Sarajevo i Javne ustanove Studentski centar Sarajevo, čija konačna imenovanja vrši Vlada Kantona Sarajevo, („Službene novine Kantona Sarajevo“, br. 25/04 i 23/05), ministar obrazovanja i nauke Kantona Sarajevo objavljuje

JAVNI OGLAS

ZA IMENOVANJA UPRAŽNJENIH POZICIJA U UPRAVNIM I NADZORNIM ODBORIMA VISOKOŠKOLSKIH USTANOVA I NAUČNOISTRAŽIVAČKIH INSTITUTA KAO JAVNIH USTANOVA NA PODRUČJU KANTONA SARAJEVO, ČIJA KONAČNA IMENOVANJA VRŠI VLADA KANTONA SARAJEVO

I – U javnim ustanovama upražnjene pozicije su:

- 1. Univerzitet u Sarajevu**
 - Upravni odbor - predsjednik, predstavnik osnivača,
- 1 (jedan) član, predstavnik osnivača;
- 2. Stomatološki fakultet sa klinikama**
 - Upravni odbor - predsjednik, predstavnik osnivača;
- 3. Ekonomski fakultet**
 - Upravni odbor - 2 (dva) člana, predstavnika zaposlenika,
- 2 (dva) člana, predstavnika osnivača;
- 4. Elektrotehnički fakultet**
 - Upravni odbor - 1 (jedan) član, predstavnik zaposlenika,
- 1 (jedan) član, predstavnik osnivača;
 - Nadzorni odbor - 1(jedan) član, predstavnik osnivača;
- 5. Fakultet političkih nauka**
 - Upravni odbor - 1 (jedan) član, predstavnik zaposlenika,
- 6. Filozofski fakultet**
 - Upravni odbor - 1 (jedan) član, predstavnik osnivača;



- 7. Mašinski fakultet**
 - Upravni odbor - 1 (jedan) član, predstavnik osnivača,
 - Nadzorni odbor - 1 (jedan) član, predstavnik zaposlenika;
- 8. Muzička akademija**
 - Upravni odbor - 1 (jedan) član, predstavnik osnivača;
- 9. Poljoprivredno – prehrambeni fakultet**
 - Upravni odbor - 1 (jedan) član, predstavnik zaposlenika;
- 10. Pravni fakultet**
 - Upravni odbor - 1 (jedan) član, predstavnik zaposlenika,
 - Nadzorni odbor - 1 (jedan) član, predstavnik zaposlenika,
- 1 (jedan) član, predstavnik osnivača;
- 11. Fakultet za saobraćaj i komunikacije**
 - Upravni odbor - 1 (jedan) član, predstavnik zaposlenika,
 - Nadzorni odbor - predsjednik, predstavnik osnivača;
- 12. Šumarski fakultet**
 - Upravni odbor - predsjednik, predstavnik osnivača,
- 2 (dva) člana, predstavnika zaposlenika,
 - Nadzorni odbor - predsjednik, predstavnik osnivača;
- 13. Veterinarski fakultet**
 - Upravni odbor - predsjednik, predstavnik osnivača,
- 1 (jedan) član, predstavnik osnivača;
- 14. Fakultet sporta i tjelesnog odgoja**
 - Nadzorni odbor - 1 (jedan) član, predstavnik zaposlenika,
- 1 (jedan) član, predstavnik osnivača;
- 15. Prirodno – matematički fakultet**
 - Nadzorni odbor - 1 (jedan) član, predstavnik osnivača;
- 16. Pedagoški fakultet**
 - Upravni odbor - 1 (jedan) član, predstavnik osnivača;
- 17. Fakultet za kriminalistiku, kriminologiju i sigurnosne studije**
 - Nadzorni odbor - 1 (jedan) član, predstavnik osnivača.
- 18. Farmaceutski fakultet**
 - Upravni odbor - predsjednik, predstavnik osnivača,
- 1 (jedan) član, predstavnik osnivača;
- 19. Orijentalni institut**
 - Upravni odbor - predsjednik, predstavnik osnivača;



20. **Institut za genetičko inženjerstvo i biotehnologiju**
- Nadzorni odbor -1 (jedan) član, predstavnik zaposlenika.

II - Opis posla pozicije člana Upravnog odbora:

- donosi pravila ustanove,
- imenuje i razrješava direktora (rukovodioca javne ustanove),
- utvrđuje planove rada i razvoja,
- utvrđuje godišnji program rada,
- donosi finansijski plan i usvaja godišnji obračun,
- donosi opći akt o unutrašnjoj organizaciji i sistematizaciji poslova i druge opće akte, u skladu sa zakonom i pravilima ustanove,
- odlučuje o svim pitanjima obavljanja djelatnosti radi kojih je ustanova osnovana, ako zakonom nije određeno da o određenim pitanjima odlučuje drugi organ ustanove,
- usmjerava kontroliše i ocjenjuje rad direktora (rukovodioca javne ustanove),
- rješava sva pitanja odnosa sa osnivačem,
- odlučuje o korištenju sredstava preko iznosa utvrđenog pravilima javne ustanove,
- odgovara osnivaču za rezultate rada javne ustanove,
- odlučuje o prigovoru radnika na rješenje kojim je drugi organ određen pravilima javne ustanove odlučio o pravu, obavezi i odgovornosti zaposlenika iz radnog odnosa,
- podnosi osnivaču, najmanje jedanput godišnje, izvještaj o poslovanju javne ustanove,
- vrši i druge poslove u skladu sa zakonom i pravilima javne ustanove.

III - Opis posla pozicije člana Nadzornog odbora:

- analizira izvještaje o poslovanju javne ustanove,
- u obavljanju nadzora nad upotrebom sredstava za rad, pregleda godišnji izvještaj o poslovanju i godišnji obračun,
- pregleda i provjerava urednost i zakonitost vođenja poslovnih knjiga,
- izvještava osnivača, upravni odbor i direktora (rukovodioca javne ustanove) o rezultatima nadzora.

IV – Visokoškolska ustanova Univerzitet u Sarajevu – način izbora upravnih i nadzornih odbora:

Upravni odbor Univerziteta u Sarajevu ima 7 (sedam) članova.

Nadzorni odbor Univerziteta u Sarajevu ima 3 (tri) člana.



Predsjednika i članove Upravnog odbora i Nadzornog odbora Univerziteta u Sarajevu imenuje Vlada Kantona Sarajevo.

Najmanje tri člana Upravnog odbora imenuju se iz reda redovnih profesora koji su zasnovali radni odnos sa punim radnim vremenom u nekoj od ustanova - članica Univerziteta u Sarajevu.

Jedan član Nadzornog odbora imenuje se iz reda nastavnika koji su zasnovali radni odnos sa punim radnim vremenom u nekoj od članica Univerziteta u Sarajevu.

Rektor, prorektori, generalni sekretar Univerziteta, dekani i direktori ustanova – članica Univerziteta ne mogu biti članovi Upravnog, odnosno Nadzornog odbora Univerziteta.

V – Visokoškolske ustanove, fakulteti i akademije – način izbora upravnih i nadzornih odbora:

Upravni odbori visokoškolskih ustanova imaju 5 (pet) članova.

Nadzorni odbori visokoškolskih ustanova imaju 3 (tri) člana.

Predsjednika i članove upravnih odbora i nadzornih odbora visokoškolskih ustanova imenuje Vlada Kantona Sarajevo i to na način što će se primijeniti kriteriji da se, od kandidata koji su se prijavili na oglas:

- dva (2) člana upravnog odbora visokoškolskih ustanova imenuju iz reda stručnih uposlenika javne ustanove u skladu sa Pravilima,
- jedan (1) član nadzornog odbora visokoškolskih ustanova imenuje se iz reda stručnih uposlenika javne ustanove u skladu sa Pravilima.

VI – Naučnoistraživački instituti – način izbora upravnih i nadzornih odbora:

Upravni odbori naučnoistraživačkih instituta imaju 5 (pet) članova.

Nadzorni odbori naučnoistraživačkih instituta imaju 3 (tri) člana.

Predsjednika i članove upravnih odbora i nadzornih odbora naučnoistraživačkih instituta imenuje Vlada Kantona Sarajevo i to na način što će se primijeniti kriteriji da se, od kandidata koji su se prijavili na oglas:

- dva (2) člana upravnog odbora naučnoistraživačkih instituta imenuju iz reda stručnih uposlenika javne ustanove u skladu sa Pravilima,
- jedan (1) član nadzornog odbora naučnoistraživačkih instituta imenuje se iz reda stručnih uposlenika javne ustanove u skladu sa Pravilima.

VII – Opći uslovi:



Za predsjednika ili člana upravnog odbora i predsjednika i člana nadzornog odbora može biti nominovan/imenovan kandidat koji ispunjava slijedeće opće uslove:

1. da je stariji od 18 godina;
2. da nije otpuštan iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine od dana objavljivanja upražnjene pozicije;
3. da se na tog kandidata ne odnosi član IX. 1. Ustava Bosne i Hercegovine;
4. da nije osuđivan za krivično djelo i za privredni prestup nespojiv sa dužnošću u upravnom odboru i u nadzornom odboru javne ustanove;
5. da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u instituciji vlasti Bosne i Hercegovine („Službeni glasnik BiH“, br. 16/02, 14/03, 12/04).

VIII – Posebni uslovi:

Pored navedenih općih uslova, kandidat koji se nominuje/imenuje za poziciju predsjednika i člana Upravnog odbora i predsjednika i člana Nadzornog odbora treba da ispunjava i slijedeće posebne uslove:

1. da je državljanin Bosne i Hercegovine;
2. da je stekao univerzitetsku diplomu i da ima najmanje 5 (pet) godina radnog staža u struci;
3. da nema privatni finansijski interes u javnoj ustanovi u čiji se upravni i nadzorni odbor imenuje, pod kojim se podrazumijeva svaka poslovna saradnja između ustanove i aplikanta za članstvo u upravnom ili nadzornom odboru i njegovog bliskog srodnika koja podrazumijeva novčanu naknadu, osim primanja po osnovu radnog odnosa aplikanta;
4. da nije rektor ili prorektor Univerziteta u Sarajevu, dekan, odnosno direktor javne ustanove u koju aplicira;
5. da nije član više od jednog organa upravljanja ili nadzora bilo kojeg pravnog lica što može podrazumijevati ustanove, privredna društva, agencije, udruženja, fondove i sl;
6. da je u ustanovi gdje aplicira zaposlen na neodređeno vrijeme – za aplikante koji apliciraju ispred stručnih uposlenika javne ustanove.

IX – Kandidovanje:

Podnosioci prijava sa kojima se ne stupa u kontakt u roku od 15 (petnaest) dana od isteka roka za podnošenje prijave neće biti uzete u razmatranje u daljem procesu kandidovanja.

Svi kandidati koji budu stavljeni na listu sa užim izborom biće pozvani na intervju pred Komisijom za izbor. Prije intervjua kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima i popuniti obrazac u kojem će iznijeti bilo koje pitanje koje bi moglo dovesti do sukoba interesa u slučaju da dođe do njegovog imenovanja.

Sve informacije o toku postupka kandidovanja su transparentne, osim ako informacije o podnosiocima prijave nisu povjerljive u smislu Zakona o zaštiti ličnih podataka („Službeni glasnik BiH“, br. 32/01).



Kandidati koje nakon intervjua predloži Komisija za izbor, smatrat će se da su najuspješnije prošli otvorenu konkurenciju, a Vlada Kantona Sarajevo osigurat će da se izvrše i javno objave konačna imenovanja na pozicije u upravnim i nadzornim odborima.

Bilo koji kandidat ili bilo koje drugo lice – član javnosti, može podnijeti prigovor na konačno imenovanje, ako postoje dokazi da u procesu imenovanja nisu ispoštovani principi ili postupci utvrđeni Zakonom. Prigovor se podnosi istovremeno kantonalnom ministru i Ombudsmenu Federacije BiH.

Prijavljivanje se vrši putem prijavnog obrasca koji se može preuzeti u šalter sali Kantona Sarajevo (ul. Reisa DŽemaludina Čauševića br. 1 Sarajevo) ili sa internet-stranice Ministarstva obrazovanja i nauke Kantona Sarajevo //www.monks.ba.

Uz prijavni obrazac, kandidat treba priložiti:

1. biografiju,
2. univerzitetsku diplomu;
3. uvjerenje o državljanstvu (ne starije od 6 mjeseci);
4. potvrdu/uvjerenje o radnom stažu u struci;
5. potpisanu i ovjerenu izjavu od strane nadležne općinske službe kojom kandidat potvrđuje slijedeće:
 - da se na kandidata ne odnosi član IX.1. Ustava BiH,
 - da nije osuđivan za krivično djelo i proivredni prestup nespojiv sa dužnošću u upravnom ili nadzornom odboru javne ustanove, da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u instituciji vlasti BiH,
 - da nije otpušten iz državne službe kao rezultat disciplinske mjere, predhodne tri godine od dana objavljivanja Javnog pozivanja,
 - da nema privatni finansijski interes u javnoj ustanovi u čiji se upravni ili nadzorni odbor kandiduje,
 - da nije član više od jednog organa upravljanja ili nadzora bilo kojeg pravnog lica (privredna društva, agencije, udruženja, fondovi i sl.).

Sve dokumente potrebno je priložiti u originalu ili fotokopiji ovjerenoj kod ndležne općinske službe.

Dokumentacija se ne vraća.

Komisija zadržava pravo da ostale dokaze u vezi sa datom Izjavom zatraži naknadno i ukoliko aplikant u roku od najkasnije 15 dana od dana traženja dokaza iste ne dostavi smatrat će se da nije dostavio potpunu dokumentaciju.

Oglas će biti objavljen u dnevnom listu „Oslobođenje“ i „Službenim novinama Federacije BiH“.

Oglas ostaje otvoren petnaest (15) dana od dana posljednjeg javnog objavljivanja.

Prijavu sa cjelokupnom traženom dokumentacijom, sa naznakom:



„Prijava na javni oglas za imenovanje upražnjenih pozicija u upravnim i nadzornim odborima visokoškolskih ustanova i naučnoistraživačkih instituta, kao javnih ustanova na području Kantona Sarajevo, čija konačna imenovanja vrši Vlada Kantona Sarajevo - ne otvarati“

kandidat treba dostaviti lično ili poštom preporučeno, na slijedeću adresu:

**Ministarstvo obrazovanja i nauke Kantona Sarajevo,
Sarajevo, Reisa Džemaludina Čauševića br. 1.**

Nepotpune i neblagovremene prijave neće biti razmatrane.

Predsjednik i članovi upravnog i nadzornog odbora imenuju se na period od 4 godine sa mogućnošću ponovnog imenovanja, s tim da će imenovanja na navedene upražnjene pozicije trajati do isteka mandata već imenovanih upravnih, odnosno nadzornih odbora navedenih javnih ustanova. Sa imenovanim predsjednicima i članovima upravnog i nadzornog odbora Ministarstvo obrazovanja i nauke Kantona Sarajevo zaključit će ugovor o angažmanu u upravnom, odnosno nadzornom odboru kojim će se definisati uzajamna prava i obaveze uključujući i pravo na naknadu za rad u upravnom odnosno nadzornom odboru.

MINISTAR

Dr. Emir Suljagić



web: <http://www.monks.ba>
e-mail: mon@mon.ks.gov.ba;
Tel: + 387 (0) 33 562-128, Fax: + 387 (0) 33 562-218
Sarajevo, Reisa Džemaludina Čauševića 1



Bosna i Hercegovina
Federacija Bosne i Hercegovine
KANTON SARAJEVO
Ministarstvo obrazovanja i nauke



Bosnia and Herzegovina
Federation of Bosnia and Herzegovina
CANTON SARAJEVO
Ministry of Education and Science